

聖

聖

焦氏易林卷下

咸之第三十一

咸 雌單獨居歸其本巢毛羽憔悴志如死灰

乾 小窓多明道里利通仁賢君子國安不僵

坤 心惡來恠衝衝何懼顏淵子騫尼父聖誨

屯 鳥鳴呼子哺以酒脯高樓水起來歸其母

蒙 國馬生角陰孽萌作變易常服君失于宅

需 入年多悔耕石不富漁門屢空使士失意

訟 諸孺行賈遠涉山阻與旅爲市不危不殆利得十倍

師 梁破橋壞水深多畏陳鄭之間絕不得前

比 雙鳥俱飛以婦稻池經涉翟澤爲矢所傷損我胸臆

小畜 謾誕不成佶梁滅文許人買牛三夫爭之失利後時公孫懷憂

履 南國飢凶民食糟糠少子困捕利無所得

泰 狗吠非主狼虎夜擾驚我東西不為家咎

否 望龍無目不見手足入水求玉失其所欲

同人以鹿為馬欺誤其主聞言不信三口為咎黃龍三子中樂不殆

大有養幼新婚未能出門登東望齊不見太師

謙 王孫貴子相與為友明允篤誠升擢薦舉

豫 山水暴怒壞梁折柱稽旅難行留連愁苦

隨 鸛鳩徙巢西至平州遭逢雷電碎我若蘆室家飢寒思吾故初

蠱 登高傷軸上阪弃粟販鹽不利市賈折角

臨 祝駝王孫能事鬼神節用綏民衛國以存眉壽多年

觀 九里十山道却峻難牛馬不前復及來還還又

噬嗑枯樹不花空淵無魚鵲鳥飛翔利弃我去

賁 雄狐綏遺登山崔嵬昭告昭顯功大福允興

剝 啞啞笑言與歡飲酒長樂行觴千秋起舞拜受大福

復 大推破轂長舌亂國床弟之言三世不安

無妄男女合室三姓同食婚姻孔云宜我孝孫

大畜千仞之墻不得入門金籠鑄疏利以避兵欲上南阪軸方

不轉還車復反

頤 華言風語自相註誤終無凶事安寧如故

大過汎汎栢舟流行不休耽耽寐寐公懷大憂仁不遇時退隱

窮居

坎 大尾小頭重不可搵上弱下強陰制其雄

離 一身三口語無所主東西南北迷惑失道

恒 南行求福與喜相得封受上賞鼎足輔國

或

遜 過時不歸此雄苦悲徘徊外國與母分離  
大壯堯舜在國陰陽和德涿聚衣裳晉人無殃  
晉 周公之隆越裳夷通疾病多祟鬼哭其公狼子野心客宿  
不同

明夷申酉脫服牛馬休息君子以安勞者得權  
家人凱風無母何恃何怙幼孤弱子為人所苦  
睽 出門上堂從容牖房不失其常天牢地戶勞者憂苦  
蹇 天厭周德命與南國以禮靜民兵革休息  
解 堂桑折衡佐鬪者傷暴臣失國良臣被殃  
損 合歡之國嘉喜我福東岳西山朝齊成思  
益 耕石不生弃禮無名縫衣失針襦袴不成  
夬 龍雷聞盲跛倚不行坐戶孚骸身被大災困其多憂

姤 至長太平仁政流行四方歸德社稷康樂  
萃 桀跡並處民人愁苦捕亡荷糧戰於齊魯合盞得半姬姜  
並居  
升 南與凶俱破車失襦西行無袴亡其寶賂  
困 空曹注器豚彘不至張弓祝雞雄父飛去  
井 望尚呵衡太宰周公藩并湯武立為王侯  
革 朝鮮之地姬伯所保宜家宜人業處子孫  
鼎 息憂解笑故貧今富載樂履善與福俱憂  
震 叔迎伯允遇巷在陽君子季姬並坐鼓簧  
艮 順風縱火艾芝俱亡三官集房千子中傷  
漸 駕車八里求鮮魴鯉非吾肆居自令失布君子所在安無  
危殆

婦妹拔劍傷手見敵不起良臣無佐困辱為苦  
豐亂君之門佐闔傷跟營私貪祿身為悔殘東下泰山見我  
所歡

旅慈母望子遙思不已久客外野使我心苦

巽魴生淮卻一轉為百周流四海無有患惡淮卻又作江維

兌甘露醴泉太平機閑仁德感應歲樂民安

渙采薇出車魚麗思初上下從急君子免憂

節豕生魚魴鼠舞庭堂雄佞施毒上下昏荒君失其邦

中孚三頭六目道畏難宿寒苦之國利不可得

小過燕雀銜茅以生乎乳昆弟六人權好孝悌各同心願和悅

相樂

既濟文君德義仁聖致福年無胎天國富民實臥者在室曾累

益息

木濟秋梁未成無以至陳水深難涉使我不前

恒之第三十二

恒黃帝所生伏羲之字兵刃不至利以居止

乾登墀踐足南行折角長夜之室不逢忠直

坤燕雀哀老悲鳴入海憂在不飾差池其羽頡頏上下宴位

獨處

屯關門除憂伯自外來切切之患我心得歡

蒙郊耕擇耜有所疑止空虛無子蒙昧不知

需張牙切齒斷怒相視禍起蕭牆索引吾子患不可解憂驚

吾母

訟履不容足南山多棘母出房閨乃無病疾

師 牛駢亡子鳴於大野申后陰微還歸其母

比 龍生于淵因風昇天章虎炳文為禽敗軒發蜺温谷暮宿  
崑崙終身無患光精照耀不被患難

小畜既嫁宜吉出入無咎三聖並居國安無災  
履 比陸陽伏不知黑白君子傷讒正害善人

泰 一身兩頭延適二家亂不可治

否 牝馬牡駒歲莖不休君子衣服利得有餘

同人南行懷憂破其金輿安坐故廬乃無殃患

大有憂人之患履傷序顏為身禍殘篤心自守與喜相抱

謙 咸陽辰巳長安戌亥丘陵生心非魚鱸市可以避水終無

凶咎

豫 不知何孫夜來扣門我慎外寇兵戎且來

隨 昧且不明日暗無光喪滅失常使我心傷

蠱 江陰水側舟楫破乏孤不得南豹無以北雖欲會盟河水

梁絕

臨 坤之在丑逆破為咎不利西南商人休止

觀 然諾不行欺訟誤人使我虛宿夜歸温室神怒不直鬼繫

無目欲求福利適反自賊

噬嗑攘臂怒不可止狼戾復狼無與為市

賁 販馬買牛會值空虛利得數少留連為憂

剝 高樓陸處以避風雨深堂邃宇君安其所牝雞之息為我

利福請求弗得

復 阿衡服箱太乙載行赴時歷舍所求吉昌

無妄飛來之福入我居室以安吾國

大畜不孝之患子孫為死老老莫養獨坐空垣

顧南過棘門駒裂我冠斷衣傷襦使君恨憂木

大過重射平不知所定曾疑著龜孰可避大明神否報告以

犧牲宜利止居

坎鱗麕鳳雛安樂無憂捕魚河海利踰徒居

離新田宜粟上農得穀君子懷德以千百祿

咸簪短帶長出思苦窮瘡蠱小瘦以病之癘

遯爭訟之門不可與隣出入有為惡至我患

大壯朽根枯株不生肌膚病在心腸日以焦枯

晉雨師娶婦黃巖季女成禮就昏相呼南上膏粱下土年歲

大茂

明夷冬採薇蘭地凍堅難利走失北暮無所得

家人昧之東域誤過虎邑失我熟飢無所食熊又

睽日莫閉目隨陽休息箕子以之乃受其福舉事多言必為

悔殘

蹇蓼蕭漢漢君子龍光鳴鸞囉囉福祿來同

解烏飛無翼免走折足雖不同會未能

損五勝相賊火得水息精光消滅絕不能續

益東資齊魯得駢大馬便辟能言市人善賈鄰人併尸請火

不與人道閉塞鬼祟其宇

夬爭雞失羊亡其金囊利不得長陳蔡之患賴楚以安

姤九登十陟馬跌不前管子佐之乃能上山

萃東鄰愁苦君亂夫紀日貪祿寵必受其咎一下有意念志同外相從具吾

公伯

升 三狸捕鼠遮遏我前死於壤域不脫走

困 狼虎爭強禮義不行兼吞其國齊魯無主

井 五岳四瀆合潤為德行不失理民賴魚福

革 六月種黍歲晚無兩秋不宿酒神失其所先困後通與福

相從

鼎 駭北龍身日取三千南上蒼梧與福為婚道理夷易身安

無患

震 出入休居安止無患室之懼雷為李殘

艮 南山昊天刺政閔身疾病無辜背增為仇

漸 瀆頓東徙道路跛踣日辰不良病為祟禍

歸 妹兄征東燕弟伐遼西大克勝還封居河間

豐 播輪折輻馬不得行豎牛之讒賊其父兄布衣不傷絡身

無患

旅 駕之南海晨夜不止君子勞罷僕夫焦苦

巽 怨重被燒忿怒生禍禍心作難意如為亂

兌 張狂妄行竊食盜梁狗吠非主齧傷我足

渙 警蹕武道先驅除咎王后親祭以率群功安我祖宗

節 門戶乏食困死誰告對門不通安所歸急積藏五穀一花

千葉市賈有息

中孚 破敝復完危者得安鄉善無商人有息利來入門

小過 疊疊累累如岐之室一息十子古公治邑

既濟 三嫗治民不勝其任兩馬爭車敗壞家室

未濟 敝鏡無光不見文章少女不市弃於相望

遯之第三十三



遯 三塗五岳陽城太室神明所住獨無兵革

乾 軟弱無輔不能自理意在外野心懷勞苦雖憂不殆

坤 周成之隆刑措无凶大衆讚佑君子作仁

屯 穴有狐烏坎生蝦蟆象去萬里不可得捕

蒙 俱為天民雲過吾面治民嫉妬與我無恩作附

需 三手六目政多煩惑臯陶瘖聾亂不可從

訟 德積不輕辭王鈞耕三媒不已大福來成

師 堅固相親日篤无患六體不易孰為安全兩師駕西濡我

轂輪張伯李季各噬關門

比 方內不行輻推輪傷馬禁隄與愛子閱時

小畜 畜牝無駒養雞不雛羣羊三歲不生兩頭

履 老老罷極無取中直懸遠致仕得歸鄉國

泰 縮緒亂絲手與為災越畝逐兔斷其禪襦

否 海老水乾魚鱉蕭索高落玩澗獨有沙石

同人 入市求鹿不見頓足終日至夜竟無所得

大有 築門壅戶虎卧當道驚我驂駟不利出處

謙 陶朱白圭善賈息資公子王孫富貴不貧

豫 王良善御伯樂知馬周旋步驟行中規矩止息有前延命

壽考

隨 堯問大舜聖德增益使民不懼安無怵惕

蠱 昭公失常季氏悖狂遊齊處郵喪其寵身

臨 昏暮不行候旦待明復住止後未得相從

觀 安止宜官一日九遷升擢超等牧養常山

噬嗑 去惡就凶東西多訟行者無功

賁 老馬垂耳不見百里君子弗恃商人莫取無與為市  
剥 蠍螺生子深自黑醜似類其母雖或相就眾人莫取蠍螺

作疑當

復 百足俱行相輔為強二聖翼事主室寵光

无妄容民蓄眾履德有信大人受福童蒙憂惑利無所得

大畜其左跌右僂前躓觸交其稽據右傷其弟兄老蚕不作家

無織帛貴貨賤身久留連客

頤 昏人旦明賣食老昌國祚東表號稱太公

大過敝首在梁魴逸不禁漁父勞苦焦喉乾口虛空無有

坎 盛中後跌衰者復撥盈滿或毀疾羸肥膾鄭昭失國重耳

興立

離 折亡破羅使我困貧與母生分別離異門

咸 野有積庾嗇人駕取不逢狼虎暮歸其宇

恒 極保孩孤冠帶成家出門如賓父母何憂

大壯 陳力就列官職無廢手不勝益失其寵門

晉 積雪大寒萬物不生陰制庶士時本寒貧

明夷 龍闢海門失理傷賢內畔生賊自為心疾

家人 不畏猛虎依人為輔三夫執獸伏不敢起身安无咎

睽 南山高岡回墮難登道路遼遠行者无功憂不改凶惡亦

消去

蹇 逢時陽遂富且尊貴

解 求我所欲得其利福終身不辱盈盛之門高屋光耀君先

其固

損 安坐至暮禍灾不到利詰姤姝皇宥不赦

益 膠車駕東與兩相逢五莢解隨頓斬獨宿憂為身福

夫 擇日高飛遠至東齊見孔聖師待我相諧

始 陳媯敬仲兆興齊姜乃適營丘八世大昌

萃 缺將无憚難從東西毀破我盆泛弃酒食

升 中夜狗吠盜在廬外神光佐助消散歸去

困 雷車不藏隱隱兩行霖雨三旬流為河江使我憂凶

井 老河空虛獲井無魚利得不饒避患東隣福來入門使我

悔存

革 福德之士歡悅日喜夷吾相國三歸為臣貴流子孫

鼎 清人高子久屯外野道遙不歸思我茲毋

震 驄驍黑鬃東歸高鄉白虎推輪蒼龍把衡朱雀導引雲鳥

載遊遠扣天門入見真君馬全人安

艮 路多枳棘前刺我足不利旅客為心作毒

漸 端作生患息來入門使我不安

歸妹 小陬之市利不足喜二世積仁蒙其祖先匪躬之言狂悖

為患

豐 登高望時見樂无憂求利南國與寶相得

旅 跛足息肩有所忌難金城鐵廓以銅為闕藩屏自衛安上

無患

巽 江水沱汜思附君子伯仲處市不我肯顧姪娣恨悔

兌 茅蘩生達陽唱於外左手執籥公言錫爵

渙 雲夢苑囿萬物蕃熾犀象玳瑁荆人以富

節 渠戎萬里晝夜愁苦膏血服雖荷不賊鷹鷂之殃害不

能傷

中孚出門東行日利辰良步騎與駟徑歷京邦暮宿北燕與樂相逢

小過駟騅與倉南賈太行逢蛟猛虎為所吞食葬於渭陽既濟鎡基逢時稷契臯陶貞良得顓微子解囚帟恐无虎謾言

妄語

未濟酒為歡伯除憂未樂福善入門與君相索使我有得

大壯之第三十四

大壯左有噬熊右有噬虎前觸隄小後躡強弩無可抵者

乾 金齒鐵牙壽考宜家年歲有儲貪利者得有其咎憂

坤 家給人足頌聲並作四夷賓服干戈索閣

屯 獼猴冠帶盜載非位衆大持吠狂走蹶足

蒙 心患其身不念安存忠臣孝子為國除患

需 君不明德臣亂為惑丞相命駕胡多失所

訟 東行而窮南北无功張伯買鹿從者失羊

師 鹿下西山欲保其羣逢羿箭鋒死於矢端

比 夷明兆初三且為災以讒復歸名曰豎牛剥亂叔孫餒卒

虛丘

小畜秦失嘉居河伯為恠還其御壁神怒不祐織組无文燒香

不芬

履 至德之君禍不過隣使我世存身无患灾

泰 衆惡之堂相聚為殃幽毒良人使道不通

否 三知六狂欲之平鄉迷惑失道不知昏明

同人老弱死子不能自理郭氏雖憂終不離咎管子治國侯伯

來服乘輿八百尊祀祖德一作大

大有褒后生蛇經孝白微追跌衰老復滅黃離一作同  
謙聰鬣黑髯東歸南鄉白虎推輪蒼龍把衡遂至夷傷不離

各殃傷一作驢陽

豫信譎龍且塞水上流半渡決囊焚師覆亡

隨有莘季女為王妃后貴夫壽子母尊四海

蠱德被八表蠻夷率服螫賊不作道無苛慝

臨載日精光駮駕六龍祿命徹天封為燕王

觀纓急縮頸行不得前五石示象襄伯不成

噬嗑蛇鄉其穴載麻當喪哀非哭泣送死離鄉

賁回潰不安兵革為患掠我妻子客屢飢寒

剝乘風兩橋與飛鳥俱一舉千里見吾愛母禹一作雨

復雷霆所擊誅者五逆剷滅無迹有惧方息

无妄張氏揖酒請謁左右王時枯槁獨不蒙所王一作平

大畜坐爭立訟紛紛匆匆卒成禍亂災及家公

頤霜降門戶蟄虫隱處不見日月與死為伍

大過鼠聚生恠為我患悔道絕不通商旅失意

坎寒暑不當軌度失常一前一後年歲鮮有

離築室水止危於一齒丑寅不徙辰卯有咎

咸畜雞養狗長息有儲耕田得黍主母喜舞

恒東壁餘光數暗不明主母嫉妬亂我事業

遯剛柔相傷火爛銷金鷗鷹制兔伐楚有功

晉鄭國讒多數被楚憂征夫愁苦民困無聊一本云二家俱是闔于虎口白

豕不勝死于次下

明夷弓矢斯張把彈弦折九發不至道遇害患

家人舉觴飲酒未得至口側弃醉酣拔劍碎怒武侯作悔  
睽蒼鷹群行相得旅前王孫申公驚奪我雄北天門開神火  
飛火如不敬信事入塵埃

蹇 穿屋相宜利倍我比循邪詭道迎不可得南北望邑遂歸  
入室

解 壽如松喬與日月俱常安康樂不離禍憂  
出門望東伯仲不來疾病為患使母憂歡

益 太姬之孫周文九子咸遂受成龍貴富有

夫 桃李花實變齒息長大成熟甘美可食為我利福

姤 婚禮不明男女失常行路有言出爭我訟

莖 空穿漏散破桴殘缺陰弗能完瓦碎不全

數窮窮落困於曆室往登玉堂與老一作食老

困 道濕為坑輪陷躓疆南國作諱使我多畏

井 鰥寡孤獨福祿苦薄入室無妻我子哀悲

革 墜袂覆目不見日月衣衾杖几就其夜室

鼎 長尾踳跖畫地為河深不可涉絕世之比憫然憤息

震 晨風文翰火舉就温昧過我邑拜无所

艮 出入節時南北无憂亟行所逐在外來歸亟行所逐又作

漸 陽氏狂惑季孫亂潰陪臣執政平子俱折季心不快

歸 五鳥六鷓相對躡跂禮讓不興虐為爭訟

豐 願念所生隔在東平遭離滿沸河川决潰幸得无恙復生

歸室

旅 追獵東走兔逃我後吾銳不利獨空无有

巽 犬吠井主上下渾擾敵人襲戰閔王逃走

允 嵩高山宗峻直且神觸石膚寸千里蒙恩  
渙 陳魚觀社狼虎踰距為民開緒亡其祖考  
節 四壁无戶三步一止東西南北利不可得  
中孚求君衣裳情不可當觸諱西行為伯生殃君之上安得生  
安存

小過春鴻飛東以馬貨金利可得深  
既濟水生虫蠹還自剋賊使我无得

未濟架亂無道民散不聚背室之家遁逃出走

晉之第三十五

晉 銷鋒鑄耜休牛放馬甲兵解散夫婦相保

乾 一衣三冠冠无所加元服不成為身災患

坤 百足俱行相輔為強三聖翼事主室寵光

屯 魚蛇之怪大人憂懼梁君好城失其安居

蒙 少无強輔長不見母勞心遠思自傷憂苦

需 前不溽暑解不可取離門二里敗我利市老牛病馬去之

何悔

訟 君明有德登天大祿布政施惠以成恩福中子南遊翱翔  
禾復

師 嗥然唯諾敬上尊容執恭除患禦悔致福

比 黍稷禾稻垂秀方造中旱不雨傷風病藁

小畜三羸六罷不能越跡東賈失馬往反勞苦

履 倚立相望引衣欲裝陰雲蔽日暴雨降集使道不通阻我

歡會

泰 高脚疾步受肩喜趨日走千里要市有得

否 北風寒涼雨雪盈水憂思不樂哀悲傷心

同人貞鳥睚鳩執一无尤寢門治理君子悅喜

大有蓼蕭露瀼君子寵光鳴鸞囉囉福祿來同

謙 南行求福與喜相得受封上賞鼎足輔國

豫 桑華腐蠹衣弊如絡文功不成絲布為玉

隨 左服易右王良心歡喜利從已

蠱 壽考不忘駕馭東行三適陳宋南賈楚荆得利息長旅身

多罪畏晝喜夜

臨 羔羊皮弁君子朝服輔政扶德以台萬國

觀 鷓鴣徙巢西至平州遭逢雷電破玉葦蘆室家飢寒思吾

噬嗑大尾小頭重不可搖上弱下強陰制其雌

賁 疏足息有所忌難金城銅郭以鐵為關藩屏自衛安心

无患

剝 天命玄鳥下生太商造定四表享國义長

復 賦歛重數政為民賦杼軸空虚我去其室

无妄陰陽隔塞許嫁不答死立新臺悔往歎息

大畜願望登虛意常欲逝賈辛醜惡妻不安夫

頤 跡行竊視有所畏避蔽目伏藏以夜為利

大過信敏恭謙敬鬼尊神五岳四瀆克厭帝心受福宜年

坎 懸懸南海去家萬里飛兔腰長二日見母除我憂悔

離 雖污不辱因何跣足童子褰衣五步平復

咸 宮城立見衣就袂裾恭謙自衛終无禍尤

恒 蔽笱在梁不能得魚望食千里所至空虚

晉



遯 千里駢駒為王服車嘉其驪樂君子有成  
大壯鼎足承德嘉謀生福為王開庭得心所欲  
明夷右手無合獨折左指禹湯失位事功弗立  
家人憂凶增累患近不解心西意東事无成功  
睽 東行食榆困於枯株夫妻无家志窮為憂  
蹇 五經六紀仁道所在正月繁霜獨不離咎  
解 解緩不前怠惰失便二至之戒家无禍凶刻水象形聞言  
不信

損 仁愛篤厚木以所忿害其所子徙我舊都日益富貴  
益 缺破不成胎卯未生弗見兆形  
夬 摧角不傷雖折復長秉德无愆老賴榮光  
姤 乘桴浮海免脫厄中雖困无凶

萃 孔鸞鴛鴦鷓鴣鸚鵡紫淵嘉禾之國君子以說  
升 甘露溫潤眾來得願樂易君子不逢禍亂  
困 東騎墮落千里獨宿高岸為谷陽失其室  
井 入村既登以成嘉功能降庭堅國无災凶  
革 邯鄲反言父兄生患竟涉憂恨卒死不還  
鼎 五銳鐵願倉庫空虚賈市无盈與利為仇  
震 白鳥銜餌鳥呼其子施枝張翅來從其母  
艮 學靈三年聖且神明先見善祥吉盛福慶神馬來見生我  
无憂

漸 雲霧蒸起失其道理傷害年穀神君之精  
歸妹春耕有息利入利福獻豸大從以樂成功  
豐 羸豕躑躅虎來都邑遮遏左右國門勅急

旅 東行西維南北善迷逐旅失群亡我襦衣  
巽 居室之倫夫婦和親小人乘車車在夫家碩果失豢不知

孰是

兌 東方孟春乘冰載盆惧危不安終身所歡  
渙 風吹塵起十里无所南國年傷不可安處  
節 重載傷車婦女尤夫三十不室獨坐空廬  
中孚敗牛羸馬與利為市不我嘉喜

小過月出自東山蔽其明章父憂傷箕子佯狂

既濟出入門所與道開通杞梁之信不失日中少丞渡江來歸  
其邦疾病危亡

未濟邑居衛師如轉蓬時居之凶危

明夷之第三十六

明夷他山之錯與瑯為仇來攻吾城傷我肌膚邦家騷憂

乾 踐履寒冰十步九尋惟有苦痛不為病憂

坤 太公避紂七十隱處卒逢聖文為三室輔

屯 日月之塗所行必到无有患晦

蒙 諷德誦功美風盛隆旦輔成周光濟冲人

需 童子无室未有配合空坐獨宿

訟 穿鼻繫株為虎所拘王母祝詞禍不成災遂然脫來

師 黃帝神明八子聖聰佚受大福天下平康

比 深谷為陵衰者復興亂傾之國民德安息中婦病困遂入

冥室

小畜道遠途絕路宿多悔碩器相聚生我畏忌

履 上樹菽豆暮成藿美心之所樂志快心歡

泰 切切之患凶憂不成虎不敢噬利當我身  
否 王伯遠宿長婦在室異庖待食所求不得

同人寒燠失時陽旱為災雖耗无憂  
大有雖窮復通履危不凶得其明功

謙 狼虎所宅不可以居為我患憂

豫 喋躡處耀明昧相傳多言少實語無成事

隨 履冰蹈凌雖困不窮播鼓登巖卒無憂凶

蠱 文墨且墨禍福相雜南北失志東西不得一云文黑黑

臨 爭訟不已更相談詢張季弱口被髮北走

觀 德積逢時宜其美才相明輔聖拜受福休長女不嫁後為

大悔

噬嗑江水沱汎思附丑孚子仲伯愛歸不我肯福姪姊恨悔

賁 光禮春成陳室鷄鳴師明失道不能自守消亡為咎

剝 驚虎無患虞為我言賴得以安

復 為言妄語轉為誑誤不知狼處

无妄履燥自敵凶憂來到痛不死哭

大畜牽尾不前逆理失臣惠朝以奔

頤 三狸捕鼠遮遏我後死於環城不得脫走

大過言笑未畢憂來暴卒身墨丹索檻內裝米

坎 陰積不已雲作淫雨傷害平陸民无室屋

離 山林麓數非人所處鳥獸无禮使我心苦

咸 新作初陵踰陷難登三駒推車跌損傷頤

恒 鬼徵憒憒行曠聽絕擴然大通復更生活

遯 變子作殃伯氏誅傷州吁奔楚去其邑鄉

明

易林下

上

大壯驕胡大形造惡作凶无所能成還自滅身

晉陳辭達情使安不傾增榮益譽以成功名

家人三杞无棗家无積莠使鳩求婦頑不我許

睽慎禍重患顏子為尤乃能安存牢戶繫羊乃能受福

蹇鹿得美草鳴喚其友九族和睦不憂飢乏

解亡玉失鹿不知所伏利以避危全我生福甘雨時降年穀

有得

損逢時積德身受福慶

益鵠思其雄欲隨鳳東順理羽翼垂次日中須留北邑復反

其室

夫環緒倚鉏斗升屬口貧賤所處心寒悲苦

始孤獨特處莫依為輔心勞志苦

萃稷為堯使西見王母拜請百福賜我吉字長樂富有

升鳴條之災北奔大胡左袵為長國號凶奴主君旄頭立為

單于

困絕而復通雖危不窮終得其願姬姜相從

井陽弁恃狂拔劍自傷為身生殃

革方圓不同剛柔異鄉掘井得石勞而无功

鼎乘風駕雨與鳴鳥俱動舉千里見我愛母

震三塗五岳陽城太室神明所扶獨无兵革

艮鷓鴣娶婦深目窈身折腰不媚與伯相悖

漸轉行軌軌行近不遠旦夕入門與君咲言

歸妹求利難國逃去我北復歸其城不為吾賊

-5 192 35 730" data-label="Text">

豐日月之途所行必到无凶无处安寧不殆

旅 管叔遇桓得其願歡膠日殺糾振冠无憂咲喜不止空言  
妄行

巽 出入蹈踐動順天時俯仰有節禍災不來

兌 內崩中傷上亂无常雖有米粟我不得食

渙 逐禍除患道德神仙過惡萬里福常在前身樂以安

節 牛驚馬走上下渾擾鼓音不絕項公奔敗

中孚西上九陂往來留連心須時日靈與有德

小過虎怒捕羊謂不能攘

既濟湧泉涓涓南流不絕卒為江海將師襲戰獲其醜虜

未濟挑弓葉戟除殘去惡敵人執服

家人之第三十七

家人王命赤鳥與君徼期征伐无道誅其君徼居止何憂

乾 千歲槐根身多各浪傷夷倒掘枝葉未存

坤 嗚嗚諤諤虎豹相齧畏懼息終无難惡

屯 娶於姜呂駕逆新婦少齊在門夫子歡喜

蒙 高壤肥澤民人孔樂宜利居止長安有福

需 主有聖德上配太極皇靈建中授我以福

訟 耄老蒙純不見東西少者弗慕君不與謀懸輿致仕退歸  
里居

師 三狂北行近逢大狼暮宿患宅為禍所傷

比 更且初歲振除禍敗新衣元服拜受利福

小畜杲杲白日為月所食損上毀上鄭昭出走

履 君子失意小人得志亂變並作姦邪充塞雖有百堯顛不

可救

泰 仁德優洽恩及異域澤被殊方福慶隱伏作奎不織寒无  
所得

否 東求金玉反得弊石名曰无宜字曰醜惡衆所賤薄  
同人擊鼓合戰士怯叛亡威令不行敗我成功  
大有仲春孟夏和氣所舍生我嘉福國無殘賊  
謙 尹氏伯奇父子相離无罪被辜長古爲災  
豫 五穀不熟困民惡極駕之新邑嘉禾有得  
隨 登虛望貧暮食无食長子南成與我生分  
蠱 東市齊魯南賈荆楚羽毛齒畫爲吾利寶  
臨 節情省欲賦歛有度家給人足公劉以富  
觀 恭實信敏功加四海辟去不祥喜來從母  
噬嗑張狂妄行與惡相逢不得所欲生我獨凶

賁 畫龍頭頸文音木成甘言美語詭辭無名

剝 騎龍乘鳳上見神公彭祖受制王高督通巫咸就位拜壽  
无窮

復 温仁君子忠孝所在八國爲隣禍災不起

无妄威權分離烏夜徘徊羣飛月光大人誅傷

大畜學靈三年聖且神明先知吉祥言喜福慶神鳥來見告我  
无窮

頤 東山辭家處夫思夫伊威盈室長股羸戶歎我君子役日  
未已

大過張頷開口舌宜絕齒然諾不行政亂无緒

坎 吹角高邦有失牛羊衆民驚惶敬慎謹行不殃

離 南行出城世德福祉三姬嫁齊願其所欲

咸心狂志恃耳聽從類政令无常下民多孽  
恒安上宜官一日兀遷踰羣越等牧養常山  
東鄰嫁女為王妃后莊公築館以事主母歸于京師季姜

悅喜

大壯六甲无子以喪其戊五丁不親庚失曾孫癸走出門

晉陰霧不清濁政亂民孟春季夏水壞我居

明夷騎肫逐羊不見所望徑涉虎廬亡身失羔

聯安牀厚褥不得久宿弃我喜宴困於南國投杼之憂不成

禍災

蹇五日四維安平不危利以居一保有玉女

解西賈巴蜀寒雪至轂欲前不得口反復其室

損剛柔相呼二姓為家霜降既同惠我以仁

益天馬五道夾大分處往來上下相隨哭歌凶惡好何

夬出門懷憂東上禍丘與凶相遇自為災患

姤西行求玉珥異得隋璞反見凶惡使我驚惑

萃出門无至動作失利街憂懷禍使我多悴門一作入

升高樓無柱顛僵不久紂失三仁身死牧野

困避禍逃殃身全不傷高貴疾顛華落墜亡

井張牙反目怒齧忿怒狂馬撓大道警傷軫

革泉涸龍憂箕子為奴干叔隕命殷破其家

鼎向食飲酒嘉賓會聚祥羊六猪君子饒有

震黃牛駢犢東行折角冀得百祥反亡我囊

艮路多枳棘步刺我足不利旅客為心作毒

漸執斧破薪使媒求婦和合二姓親御斯酒召彼鄰里公姑

悅喜

歸妹駕車出門順時宜西福佑我身安寧无患

豐 日新東徙魁杓為禍漢臺為秦使我久坐

旅 山陵丘墓鬼空室屋精光竭盡長卧无覺

巽 孩子含餌為利所悅採釜把甌爛其手臂

兌 何村待時門戶獨悲蚯蚓冬行解我无憂祭蚕不得女功

无成

渙 解傷驚惶散我衣裳君不安邦

節 害政養賊背主入愆跛行不安國為危患

中孚禍走患伏喜為我福凶惡消亡災害不作

小過老馬為駒病雞不雛三雌獨宿利在山北

既濟播天舞地嘒亂神所居樂无咎

未濟異國殊俗情不相得金木為仇酋賊擅役

睽之第三十八

睽 倉盈庾億宜稼黍稷年豐歲熟民得安息

乾 被服冬衣遊視酒池上堂見觴喜為吾兄使我憂亡

坤 邑姜叔子天文在手實沉參墟封為晉侯

屯 改柯易葉飯温不食豪雄爭強先者受福

蒙 馨香陟降明德上登社神佑顧命為大鄰

需 老狼白駒長尾六狐前顛卻躡進退遇崇

訟 山没丘浮陸為水魚燕雀无廬

師 懿公淺愚不受深謀无援失國為狄所滅

比 鼎易其耳熱不可舉大塗壅塞旅人心苦

小畜凶聲醜言要不可聞君子舍之往恨我心



履 昧暮乘車履危踏溝亡失羣物摧折兩軸  
泰 南有嘉魚駕黃取鱗魴鱖詡詡利來母憂  
否 隔在九山往來勞難心結不通失其所歡  
同人下流難居任失多態貞良溫柔年歲不富  
大有狐狸雉兇畏人逃去分首窟匿不知所處  
謙 異體殊俗各有所屬西鄰孤嫗欲寄我室主母罵詈終不  
可得

豫 怒非怨妬貪得腐鼠而呼鷹鷂習今失餌倒被恩患  
隨 五心六意岐道多怪非君本心生我恨悔  
蠱 三班六黑同室共食日長月息我家有德  
臨 方船備水旁河燃火終身无禍  
觀 醫屏獨語不聞朝市利以居烹死被後門

噬嗑 居處不安徒反觸患

賁 刺別影剗人所賤弃批得之言我心不快  
剝 阜田禾黍堆壤麻草衣食我躬室家饒有  
復 兩目失明日奪无光脛足跛倚不可以行頓於丘傍  
无妄 金城朔方外國多羊履霜不時去復為憂  
大畜 匿痼不醫亂政生災紂作淫虐商破其墟  
頤 鬼哭泣社悲傷無後甲子昧爽毅湯絕祀  
大過 炎風卒起車馳袍褐弃古追亡失其和節憂心惓惓  
坎 耄老失明聞善不從自今顛沛反為咎殃  
離 隨風騎龍與利相逢日獲三狐商伯有功衝衝之邑長安  
无他

咸 三牛五牂重明作福使我有得疾入官獄憂在心腹

祭

恒 孟已乙丑哀呼尼父明德訖終亂虐滋起  
遯 華登百枝消暗衰微精光訖盡奄如灰糜  
大壯鷹飛雉退兔伏不起狐張狼鳴野雞驚駭  
晉 闔身戰天門有何患室家具在不失其歡  
明夷東家殺牛行逆腥臊神背西顧命絕哀周臺社災燒宋人  
夷誅

家人陰陽辨舒二姓相合婚姻孔云生我利福

蹇 東入海口循流北走一高一下五色无主十日六夜死於

水渌

解 孤竹之墟失婦无夫傷於蒺藜不見其妻東郭崇姜武子

以亡

損 天門東墟盡既為火跡蹊暗龍其秦伯受殃

益 賴生光木受福之祉雖遭亂潰獨不危殆

夬 折舌閉目不見雅叔三足孤鳥遠其无失

姤 七人同室兄弟合食和樂相好各得所欲

萃 繼體守藩縱欲廢賢君臣淫佚夏氏失身側室之門福祿

來存

升 老狐屈尾東西為鬼病我長女哭涕詘指或西或東大革

易誘

困 大樹之子百條共母當夏六月枝葉茂盛鸞鳳以庇召伯

避暑穉穉印甚各得其所

井 井堙水刊國多暴殘秦王失所壞我大壇

革 駕黃買倉與利相迎心獲所守不累弟兄

鼎 倉盈庾億宜稼黍稷年豐歲熟民得安息

震 人生馬淵壽考且神飛騰上天舍宿軒轅居常樂安  
良 思願所之今乃逢時洗我故憂拜我歡來

漸 魁剛所當初為敗殃君子留連困於水漿求金東山利在  
茂鄉賈市有息子載母行

歸妹 鉛刀攻玉无不鑢鑿龍體具舉魯般為輔三聖翼事所求  
必喜

豐 喜來如雲舉家歡忻衆才君子駕福盈門

旅 響像无形骨體不成微行衰索消滅無名

巽 積水不温北陸苦寒露宿多風君子傷心

兌 黃馬綠車駕之大都諧達才能使我无憂

渙 從風放火芝艾俱死三害集聚叔子中傷

節 一身三手无益於輔兩足共節不能克敏

中孚 南向一室風雨並入埃塵積濕王母盲痺偏枯心疾亂  
我家次

小過 采微出車魚麗思初上下促急君子懷憂

既濟 先易後否告我利市騷蘇自苦思再故止

未濟 生宜地乳上皇大喜隆我祉福貴壽无極

蹇之第三十九

蹇 同濟共與中道別去喪我元夫獨與孤苦

乾 叔盼居宛祁子自邑乘遽解患羊舌免脫賴得生全

坤 兔聚東郭衆犬俱獵圍缺不成无所能獲

屯 作室山根人以為安一夕崩顛敗我壺食

蒙 疾風塵起亂我崩始強大并小先否後喜

需 潔齋沐浴思明居德哀公怯弱風氏復北

訟 土瘠瘦薄培塿无栢使我不樂

師 褰衣涉河澗流浹多賴遇舟子濟晚无他

比 送我季女瑩于蕩道齊子且夕留連久處

小畜三孫六子安无所苦中藏廢殆亡我所使

履 揚風偃草塵埃俱起清濁溷散忠直隱處

泰 歷險登危道遠勞疲去家自歸困涉大波

否 六藝之門仁義俱存茲基逢時堯舜為君傷寒熱温下至

黃泉

同人被服文衣遊觀酒池上堂見觴喜為吾兄使我憂亡

大有生時不利天命災至制於斧癘當夜勤苦

謙 天門開闢牢戶寥郭桎梏解脫拘囚縱釋

豫 川淵難遊水為我憂多言少實命鹿為駒道德開基君子

逢時利以中疑

隨 鄉歲逢時與生為期枝葉成茂君子无憂

蠱 六鷁退飛為衰毀祥陳師合戰左股夷傷遂崩不起霸功

不成

臨 雷君出裝隱隱西行霖雨不止流為河江南國憂凶

觀 牙孽生齒陽倡於外左言執籥公言錫爵一作室當啓戶出入

噬嗑 火起土門不為我殘跳脫東西獨得生完不利出鄰病疾

憂患

賁 舉事无成不利出征言不可用衆不能平

剝 老狼白驢長尾大狐前顛却躡進退遇祟

復 日入道極勞者休息班馬還師復我燕室

无妄 山林麓藪非人所處為獸无禮使我心亡

蹇

六畜並利積福日新其德高氏飲食憂不為患

願 張羅百目鳥不得北縮頸掛翼困於窘國君子治德獲譽

受福

大過伯虎仲熊德義淵弘使布五教陰陽順序

坎 跛躄相隨日暮牛罷陵遲後旅失利亡雌

離 羸氏違良使孟尋兵老師不已敗於齊卿

咸 日月並居常暗且微高山萌顛丘陵為溪

恒 鳥鵲食穀張口受哺蒙恩被德長大成就柔順利貞君臣

相好

遯 雖躄復起不毀牙齒克免平復憂除无疾

大壯草木黃落歲暮无室虐政為賊大人失福

晉 避凶東走反以禍口制於牙爪骨為灰土

明 志苦心勞福不我來

家人羊豕動哀東與福遇駕迎吾兄送我鸚黃

睽 東耕破犁西失良妻灾害不避家貧无資

解 魚陸失所鳥蠅困苦澤无藿蒲晉國以虛

損 脫兔无蹄三步五罷南行不進後市勞苦

益 行役未已新事復起姬姜勞苦不得休止

夬 向日揚光火為正王消金厭兵雷車避藏陰雨不行氏定

其鄉

姤 放銜垂轡奔馬不制弃法作奸君失其位

萃 司命不游喜解我憂皇母緩帶嬰兒笑喜

升 黃帝出遊駕龍乘馬東上泰山南過齊魯郡國咸喜

困 既往不說憂來禍結比戶為患无所申究

蹇

井 荷蕢隱居以避亂傾終身不仕遂其潔清  
革 折挺春稷君不得食頭痒搔跟无益於疾  
鼎 植根不固華葉落去便為枯樹

震 凶門生意牢戶多冤沙陀禿齒使我困窮

艮 登山履谷與虎相觸猶為功曹班奴奔北脫之喜國

漸 麟鳳所翔國无咎殃賈市十倍復歸惠里

歸 妹路險道難水過我前進往不利回車復還

豐 延頸望邑思歸我室亭榭不成未得安息

旅 蒙生株瞿棘掛我鬚小人嫉妬使恩不遂

巽 南至隱域深潛處匿聰明閉塞與死為伍

兌 機餌設張司暴子良范叔不廉凶害及身

渙 從騎出谷遊戲苦域坂高不進利无所得

節 西國疆梁為虎作狼東吞齊楚并有其王

中 孚登山代輻虎在我側王孫无懼仁不見賊

小 過六月睽睽各欲有至後來未壯候待明日

既 濟道涉多阪牛馬蛇蠘車不利載請求不得

未 濟一口三舌相妨无益羣羊百祥不為威強亡馬失駒家耗

於時  
解之第四十

解 駕言出遊鳥闐車前更相挫滅兵馬且來回車亟還可以

无憂

乾 大都之居无物不具抱布貿絲所求必得

坤 膠著木連不出牢關家室相安

屯 孟伯食長懼其畏王賴四蒙五抱福歸房

解

蒙 朽輿瘦駟不任御轡君子服之談可容易  
需 許嫁既婚利福在身適惠生桓為我君魯  
訟 入門大喜上堂見母妻子俱在兄弟饒有  
師 推車上山力不能任顛蹶蹉跌傷我中心  
比 鷹飛退去不食其雛禽尚如此何況人乎  
小畜福弃我走利不可得幽人利貞終无怨慝  
履 夫妻反目不能正室公云子南姬言還北並后正嫡二政

亂國

泰 陽衰伏匿陰淫為賊幸賴王孫遂至家國  
否 入水求五不見和璞終日至暮勞无所得  
同人鳴鸞西牡駕出行狩合格有獲獻公飲酒  
大有覆手齊犢易為功力月正元日承平致福

謙 三火起明雨滅其光高位疾顛驕恣誅傷  
豫 裒糗荷糧與利相逢高飛有得君子獲福  
隨 水土相得萬物蕃殖膏澤優渥君子有得  
蠱 道理和得人不相賊君子往之樂有利福  
臨 天孫帝子與日月處光榮於世福祿繁祉  
觀 部衣在位乘非其器折足覆餗毀傷我王  
噬嗑鷓飛中退舉事不遂且守仁德猶恐失墜  
賁 經綯整冠意盈不厭紱紉迷惑讒佞傷賢使國亂頃  
剝 申酉退跌陰慝前作柯條花枝復泥不白  
復 平正賤使至服苦事

无妄釣魴河涓水漲无涯振衣徒婦上下昏迷厲公經齊  
大畜胎養萌生始見兆形遭逢雷電摧角折頸采室山頭終安

不傾

頤 陽春枯槁夏多水潦霜雹俱擊傷我禾黍年歲困苦

大過三耳六齒痛疾不已齟病膏黥墮落其宅

坎 失時无友嘉耦出走僕如喪狗

離 宣重徵民歲樂年息百國无咎君子安喜

咸 登凡上車駕駟南遊合散從橫燕秦以強

恒 鳥集茂木心樂願得鳥鵲食穀張口受哺柔順利貞感戴

惡母

遯 啓蟄始生萬物美榮福祉未成市買无贏

大壯 驕胡火形造惡作凶无所能成還遂自滅身一作草木黃葉歲暮云天虐政

高城大人失福

晉 異國他土出良駿馬去如奔害不能傷一作避亡東走反入禍口制控

瓜牙增為灰土

明夷 恪敬競職心不作隱君明臣忠民賴其福

家人 三女求夫伺候山隅不見復關長思憂歎

睽 駕福乘喜東至嘉國戴庶南行離家室居

蹇 四姦為殘齊魯道難前驅執役戒守无患

損 下憂上煩蠹政為患歲飢无年

益 雞雉失雛常畏狐狸黃池要盟越國以昌

夬 堅冰黃鳥常哀悲愁不見米粒但觀蓬蒿數驚鷺鳥為我

心憂

姤 五銑鐵頤倉庫空虚市賈為盈與我為仇元本有時不我與亡利為作

萃 竊名盜位居非其家霜墮不實為陰所賊三年失室

升 賊仁湯德天怒不福斬刘家社失其本城

解



困 萬物和生蟄虫振起益爵增福日受其喜  
井 和氣所生物皆不朽聖賢居位國无凶咎  
革 龍游鳳舞歲樂良喜

鼎 鼎行窘步次伯方舍居安不懼姬妾何憂

震 水深難遊霜寒難涉商伯失利旅人稽留

艮 跛倚相隨日莫牛罷陵遲徙傷失利亡雌

漸 一牛九鎖更相牽纏案明如市不得東西請讞得報日中

被刑

歸妹 春桃生花季女宜家受福孔多男為邦君

豐 雷鼓東行稼穡凋傷大夫執政君贊其明

旅 季世君憂亂國淫遊殃禍立至民與以休

巽 發輓温陽過雨宿房宜時布和无所不通

